


欽定剿平三省邪匪方畧

正編

四
六



欽定剿平三省邪匪方畧正編卷九十四 己未年

三月二十二日 庚辰 恒瑞奏言 臣 欽奉

辰

諭旨以張漢潮老病無能之賊得以從容游奕七八百里內無一兵將接應著臣確切查明係何人調度失當據實叅奏 臣查自上年九月間陝境肅清

後提督王文雄總兵慶溥柯藩關騰官信等帶兵在陝境南界堵禦聲勢尙爲聯絡自十一月

內川匪李全唐明萬唐大信樊人傑龍紹周等

分股竄至紫陽西鄉一帶王文雄與各路鎮將

均在東路截剿適張漢潮一股由城固躡淺過

江北竄明亮興肇跟蹤追剿宣綿秦承恩先後

派令關騰官信遊擊邢承誥守備尚其倫等帶

兵均赴漢江以北分路堵截其漢江以南一千

三四百里惟王文雄慶溥柯藩帶兵防堵幸

臣

前川帶兵回陝卽在南鄭城固一帶要隘聯絡
聲勢本年二月間因張映祥等匪由廣元竄近
寧羌臣卽帶兵向西截剿而紫陽安康邊界之
賊又復北竄慶濱柯藩兵力稍單王文雄將漁
渡壩竄匪逼剽出境後亦卽趕赴紫陽策應是
以彼時中間相去七八百里無兵接應臣現因
真武宮賊匪復竄南江豆腐渠一帶切近南鄭

邊卡

臣

又馳回青石關探蹤迎擊慶溥柯藩已

節次將紫陽安康竄匪痛加剿殺逼出陝境王

文雄亦移兵罐子山適中駐紮刻下與

臣

相距

僅二百餘里伏查宣綿年老多病秦承恩又係

漢人不諳軍旅以致調度未能周密今據總兵

關騰來稟已齎同明亮一路剿辦至總兵官信

業經

臣

奏在案邢承誥尙其倫帶領兵勇

千餘名總未見其奮勇打仗俟查明另行辦理
再查有漢中府留養傷病之吉林黑龍江等處
官兵內有已成殘廢難望痊愈者既不能隨營
打仗自應遣回若俟咨報勒保處辦理未免往
返需時是以卽派西安協領額爾啟道員文需
逐名查驗所有實在殘廢之副總管托倫太一
員兵丁五十七名並陣亡兵丁骨殖五十二副

交文需照例辦理送回並酌派二等侍衛德勒

克依管帶進京由兵部送回原省再跟隨

臣

之

護軍校本布善亦患病日久並令回旗調理奏

入

上命軍機大臣傳諭恒瑞曰恒瑞覆奏查明紫陽安

康邊界一帶中間相去七八百里無兵駐守一節

用兵之道全在聲勢連絡庶首尾相應今乃千里

無兵任賊游奕皆由宜綿秦承恩在任時一味畏
葸退縮毫無布置以致將士無所遵循賊匪日益
縱肆除總兵官信已據叅革外遊擊邢承誥守備
尚其倫據稱打仗未見奮勇卽着恒瑞確切查明
該員等畏縮實情據實嚴叅示儆其養傷之吉林
黑龍江官兵查明實在殘廢者派員管帶進京咨
送回籍所辦甚是再前因官兵在唐藏地方剿賊

遊擊蘇維龍失利不知下落曾降旨飭查昨據陸
有仁面奏蘇維龍從前在該處駐守年餘擊剿賊
匪屢有斬獲保障村堡民賴安全遂爲賊匪之所
忿恨此次在彼堵剿實因兵勇數少同時潰散該
遊擊猶復步行殺賊迨力屈被傷痛罵賊匪致被
截舌分尸罹禍甚慘經該處居民尋其齒骼分盛
埋掩如果情形屬實則此等出力之員自應優加

旌獎以慰忠魂而鼓士氣著恒瑞卽行詳悉查明
覆奏候朕施恩

同日護理陝西巡撫馬慧裕奏言

臣

欽奉

諭旨令將陝省撫輯情形詳議具奏

臣

查陝西之南

山四川之川東川北湖北之荆宜襄鄖河南之

盧陝浙鄧一帶山勢相連廣濶四五千里建置
之初因係地處萬山之中磽確瘠薄是以設官

分土視平原較爲寬廣竟有一州一縣週圍一千餘里及二千里不等地方官有鞭長莫及之勢

國家承平日久生齒日繁地角山頭開墾殆遍其地水泉充足易種易收其人安逸無事因而編造謠言托詞於消災祈福愚民爲其所惑日聚日衆斂錢肥已其倡首者或家道小康因而不

肖官吏及地方無賴之徒乘機訛詐迫以難堪以致激成事端若輩敢於

光天化日之下妄肆鴟張

天戈所指自當淨絕根株但必賊匪果與官兵接仗不難盡數蕩平乃恃其生長山中翻崖越嶺捷如猿猱所過村庄市鎮肆行焚掠隨地是糧來自便官兵執持軍器又需裏帶乾糧行走不

如賊之捷速安能步步趕上至於兵行糧隨山徑崎嶇需用人夫背運負重入山更爲遲緩且遇風鶴之驚人夫一閏而散倉猝之間不能繩以官法甚至賊匪折回兵在賊後糧在賊前彼此不能相顧迨賊去稍遠再行招集儕運已屬緩不濟急在追剿之時惟恐糧運遲慢預行折給錢文本可買食無如山中店舖本少賊至率

皆遷避是以兵丁往往有受饑之時卽有時與賊相遇我兵奮勇直前擊之於北則竄而南截

之於東則折而西蹤跡靡常無非疲我士卒之

計

臣

前在河南解馬至襄陽其時軍興甫及二

年所見豫省防兵楚省戰兵均有狼狽之狀此

次到漢中見兵丁更形疲乏至陝西防守一事

自寧羌至平利與川省交界綿亘二千里賊匪

隨處翻越山梁不由隘口萬難處處排設多兵各屬鄉勇止可用助聲威若令陷陣衝鋒實不足恃是防守亦不能不仗兵力臣查漢中之兵

除傷病外止有六百餘名又係各省各營零星攢湊及留養病痊之人將官除遊擊蘇維龍已經陣亡外止有都守三員俱不諳習戰陣寧羌

沔縣南鄭城固一帶各隘口俱派鄉勇防守設

遇賊匪竄近卽令都守三員將六百餘名之兵
全行帶往尙恐不敷堵禦 現囑令道員文需

臣

及各道府並地方官將所集鄉勇勤加訓練使
之稍知紀律以助兵力訪之各路軍營情形大
概相同自應設法辦理以期迅速嚴事查安撫
之說從前亦有議及者蓋賊黨裏去良民無不
思歸卽實係教匪亦未嘗無悔心之萌特慮及

逃回被獲卽行正法是以進退維谷不得不隨同首惡往返奔馳以冀苟延殘喘今蒙

聖慈網開一面並籌及目前何以食之將來何以居之是若輩於萬無生理之中竟得保全軀命豈有不爭先恐後者哉惟是安撫之難甚於剿捕蓋剿捕雖尙未成功終有殄滅之日安撫倘稍有未善不免餘孽之留惟有宣布

皇上法外之仁使之深信不疑翕然來歸旣撫之後

又復使之各有生計方爲妥善

臣

才識庸愚情

形未能深悉不能剴切發明以備

採擇謹就管見酌擬十一條敬爲我

皇上陳之一請預行刊發簡明告示以廣勸化並設

安撫營使之有所趨向也查教匪滋事以來每
次拏獲賊人亦多供稱情愿投出祇因人數太

多難以安頓恐被誘出盡遭屠戮將來無所逃
生是以觀望不前等語應請將此次欽奉

上諭除敬謹謄黃外再以方言里語宣布

皇上如天好生之德刊發告示在於市鎮村莊遍行
粘貼務使人人通曉惟是帶兵大員一面剿捕

一面安撫恐生賊黨疑慮之心若派微末員弁
經理其事不足以資彈壓而致信從應請於川

陝楚豫之地各設安撫營一二處或三四處每營撥給精兵千名

欽派大員一人督辦招徠安撫之事以專責成各給予

欽差安撫使關防凡投出者毋許官兵鄉勇擅行殺戮並示以半年之內自行投出者概免其罪妄爲安插如能勸諭數人及數十人投出者卽分

別賞賚銀錢頂戴各隨其願或能帶領一般投
出無論被脅之民及會經習教之人均卽分別

賞以職官

奏請叙用如過期仍然怙惡不悛者擒獲之日斷
不寬宥一請設立腰牌黃旗以便稽查也投出
之人官不給以憑據不足以釋其疑而堅其信
應請各給腰牌一面上貼

欽差安撫使關防印花上墨寫自行投首遵

旨免死等字樣陰面註明姓名籍貫年歲及每日應

支口糧若干沿途赴官請領等字樣其攜帶眷

口貲財者腰牌之外另給黃旗一面將眷口貲

財寫於旗上亦貼關防印花不許與外人結伴

先行通傳各路關津卡隘兵役人等遇有執持

腰牌黃旗之人驗明放行仍掛號備查不許留

難阻滯自然歡聲載道黃旗到籍時官爲收繳
其腰牌母庸查追一請出示投出之人先令棄
去器械以辨真僞也查賊匪敢與官兵抗拒恃
有器械今既遵

旨宣諭投出免死則器械爲無用之物應請先行示
令將一切火藥鎗礮刀矛旗幟均行棄去每起
不得過五十人赴營投首挨名造冊給以腰牌

携眷者給以黃旗並酌賞盤費立卽遣令起程
再傳二起發給腰牌黃旗酌賞盤費如人數多
至數百執持器械蜂擁而來必係心懷叵測卽
用鎗礮轟擊庶於安撫之中仍寓防範之意一
請投出之人遣令回籍毋庸兵役護送以釋驚
疑也查投出之人有實係歸誠者亦有因黨與
日散勉強順從者旣給腰牌黃旗令其沿途自

行赴官請領口食自與遞解軍流人犯不同若復過於鈐束必生驚疑應請止令沿途保甲派撥人夫逐段照料以利遄行母庸派撥兵役逐站護送若騷地潛逃或滋生事端自係怙終不悛卽令地方官分別辦理具報存案一凡係同鄉同村人同時投出人數過多應令間日行走每起不過三十人以免擁擠也查安撫之事開

誠布公原可無庸過於防範致滋惶惑但同鄉
同村之人同時投出或數十人及百餘人中途
旣無管束難保不恃其人衆滋生事端應請就
其人數多寡均勻配搭或間一二日或間三四
日先後行走則人少勢孤不致別生事端一請
口食從厚並到籍後分別安頓以示矜全也查
被脅之人明知罪在不赦無如蹂躪之後生計

蕩然是以隨賊擄掠苟延旦夕若投出之後仍
係嗷嗷待哺勢難望其安靜應請照賑卹之例
甫經投到散給粥餚起程回籍酌賞盤費仍按
大口小口沿途從優支給口糧住宿給以廟宇
俾無窘乏之苦次日催令起身毋許停留其到
籍後令地方官查明有業無業將作何安頓之
處逐細詳報該管上司嚴行稽查毋致失所有

業者自行經理倘原業被人侵佔稟官追給其
無業者或派充衙門夫役或與軍流各犯一體
支給口糧或查入官之業產分給耕種計畝納
租或酌分現任大小文武官員及在籍紳衿之
家服役力作以資養贍仍由該地方官發給執
照此外安置之法因地制宜不拘一格總當令
其餉口有資棲身有所自不致流蕩爲匪一請

凡老幼婦女殘廢之人分別安插以免失所也
查老幼婦女殘廢之人凡有丁男挈帶回籍者
胥聽其便倘係無家可歸無人可倚若強令就
道亦非所以示體卹應請將年老及殘廢之人
分撥附近各州縣支給孤貧口糧以終天年其
婦女幼孩卽勸諭仕宦之家殷實之戶分領養
育以供使令不定主僕名分仍由官發執照庶

幾不致流離一年少單身之人無家可歸不願
回籍者請另爲設法安置以免向隅也查年少
之人來從賊黨不必盡皆遊蕩或本係孤苦或
被脅之時室廬灰燼骨肉分離與其遠歸而無
所依不如異地謀生尚可度日但不得聚於受
撫之地致留後患應請分撥向無邪教各州縣
設法安置給予腰牌自行齎投口糧盤費一體

支給仍於投到時由該州縣將作何安置之處
具文報查一凡賊巢距安撫營較遠之處間有
私自逃出者請設法安置以昭畫一也查私從
賊巢逃出之人如果並未來帶字跡執持器械
均係自知守法改過自新之人應請出示近十
者赴卡近城者赴城兵役人等不得留難阻滯
立卽帶交地方自查問明白給以印花腰牌寫

悔罪自新遵

旨免死等字樣或回本籍或他往依傍親友給以執
照令其自行賣投該地方官交保管束與商民
一體營生無庸官爲安置仍造冊申報並於朔
望查點倘或結黨成羣滋生事端卽行分別辦
理一投首之人回籍後請嚴禁挾仇訐告以省
拖累也查此次奉

旨撫輯出自

皇上法外施仁皆可望其改過自新共享

昇平之福有指首曾經從賊者應請以告

赦前事論是已投者脫然無累未投者亦無不欣然

來歸一教匪頭目悔罪投首者仰懇

聖恩暫行寬宥以格愚頑也查教匪頭目果實有惡

才實有邪循一經擒殲賊黨無所統屬自必紛

紛若鳥獸散今各頭目盡係愚頑之徒惑衆斂
錢並無惡才邪術連年擒殲之賊目已多而賊
數仍未減少蓋官兵乘勝殲戮之時賊黨人數
尙衆又各於其黨中推一頭目可見無足輕重
若賊目悔罪投誠立卽正法不但賊黨中益堅
負嵎之念而被脅之人更必受其禁錮無從投
出應請設立安撫營之後如果頭目詣營自首

由督辦大員面加詢問察其真偽或厚加犒賞
或假以詞色或令寄信邀約或令回巢遍傳陽
示以不疑而陰防其不靖俾賊黨咸知著名元
惡尚得仰邀

寬典自不致有所遲疑似於安撫之法更爲周密至
頭目究係獲罪重大之人應俟大局完竣之後

將作何辦理之處請

旨定奪以上十一條臣與各寮屬悉心講求又復體察輿論意見相同是否有當伏請

訓示奏入得

旨軍機大臣悉心妥議具奏

二十五日癸未勒保奏言查額勒登保一路官兵

於三月初五日自譚家山將蕭占國張長更等兩股匪衆辦完後臣卽知會迅領大兵乘勝趕

赴岳池一帶剿捕冷添祿並包正洪等股竄匪暫留朱射斗在後搜捕餘孽嗣額勒登保由營山蓬州一路進發行抵玉屏山探得包正洪一股已在大竹境內與儀隴竄來之賊匪張子聰合夥均竄入隣水縣境而冷添祿尚在岳池地方游奕雖經劉君輔帶兵追蹤未能得手額勒登保由間道督兵連日冒雨遄行於初十日未

刻行抵苟角場適劉君輔趕到探知冷添祿正
在前面悅來場一帶屯聚額勒登保以該匪等
尙未知有大兵正應出其不意迅速進擊當派
總兵楊遇春等爲一路總兵銜穆克登布爲一
路各於左右山溝內密往抄截先令劉君輔帶
兵前往誘敵額勒登保卽親督侍衛將備等由
中路前進劉君輔甫行六七里忽有賊匪前來

抗拒連放鎗礮並有騎馬之賊往來衝突額勒
登保催兵競進衝入賊隊殲斃多名賊勢頓却
我兵乘勢掩殺追至廣安州屬城頭堰地方適
侍衛噶喇等帶領馬隊由左路抄出護軍參領
格布舍等帶領馬隊由右路抄出殺斃騎馬賊
匪四十餘人該匪等無路奔逃紛紛散竄立斃
三百六七十名生擒龍興禮等七十三名當據

獲賊供稱冷添祿自祖師觀竄出祇有六七百人因徐添德合夥又撥出戰手一千餘名隨同冷添祿行走嗣於正月間在鑼鍋壘分夥卽向隣水岳池定遠南充一帶往來奔竄沿途又逼脅多人統計實有三四千人今日冷添祿說劉大人帶兵不多我在悅來場等候倘能將官兵打退免得又來追趕先令賊目劉朝選率領男

婦二千多人在前行走冷添祿與賊目符曰明
挑出戰手一千餘人在後埋伏預備抄截官兵
不料大兵驟至追到城頭堰殺死多人冷添祿
中箭墜馬我們卽被擒獲等供額勒登保當令
該犯等於積屍內尋取冷添祿屍身係被亂矛
戳死辨認屬實當將該犯首級解到臣營經臣
傳令熟識該犯之人認明無異因探知前股匪

衆向蕭家溪竄去額勒登保卽於十一日督兵進剿至場坪峯獲落後賊匪訊知劉朝選符曰
明卒衆狂奔要由大竹一路竄出找尋包正洪
等合夥額勒登保卽督率楊遇春劉君輔穆克
登布等分路截擊至茶坪壩時已晌午適見石
筍河聚有賊匪正欲過河我兵三路并到將賊
衆全數逼至河沿痛加殲殺該匪無不慌亂撲

河淹斃者不計其數其在沿河殺斃者統計八百餘名生擒男婦七百八十二名口除將從賊日久之吳亦云等三百七十五名立時正法其餘被脅難民均交廣安州給與銀米遞籍安插賊目符曰明業經殺斃惟劉朝選尙無下落是否一併殲戮現在確查不使漏網守備趙祥候補千總譚一洪受傷陣亡弁兵內亦間有傷亡

俟查明容部其出力之吉林索倫滿漢官兵現
據額勒登保開送前來另單保奏臣現已知會

額勒登保速卽帶兵由隣水一路進剿包正洪

張子聰等匪衆以冀尅日掃平再赴川東剿辦

別股又朱射斗前在營山一帶搜捕蕭占國餘

匪節據搜獲一百餘名均交營山縣審辦臣

恐

此次冷添祿夥匪尚有零星逃逸者仍飭該鎮

卽在廣安岳池境內帶兵搜捕以期淨盡

勒保又奏言查川陝交界地方自廣元以至太

平綿亘一千餘里處處有路可通陝境自不若

湖北之與川東接壤者祇有巫山大寧兩處可

以扼要堵截况楚境現無賊匪該省督撫祇須

相度地勢在毘連川陝各要隘多撥兵勇嚴防

卽足以捍衛巖疆則重在堵而不在剿至陝省

現有賊匪紛竄地方又復遼濶勢不能逐處安
兵制其奔逸之路則當堵剿並重今恒瑞所奏
王文雄等駐兵處所與恒瑞相距七八百里中
間并無兵將接應亦屬實在情形然欲聲勢聯
絡處處添兵不特無此兵力而路徑叢雜若賊
又乘間潛逃仍屬有名無實果能於有兵堵禦
之所遇賊卽行痛剿該匪等自難竄越卽或於

無兵空隙之處奔竄而帶兵大員實力截殺不
予以暇痛打一二仗之後賊勢窮蹙再得一路
勁兵爲之截擊自易得手現在永保到營臣連

日與之悉心籌畫並察核陝省地勢賊情查張

漢潮在五郎孝義一帶有明亮跟蹤剿辦龍紹

周樊人傑等在西鄉紫陽一帶有王文雄柯藩

慶溥等帶兵堵禦張映祥一股在畧陽階州

帶有恒瑞富成兩路夾攻以各路之兵剿堵各
路之賊尚覺不敷而秦承恩前在漢中帶兵祇
有六百名因派往鳳縣堵賊失利所存不過十
分之六更不足恃今永保仰蒙

皇上逾格天恩署理陝西巡撫正當勉力殺賊立功
但僅以單騎馳往仍不過於一路軍營內多添
一人亦屬無濟於事自應酌籌兵力備其剿堵

之用查川省正當剿賊萬緊之際德楞泰一路

賊勢較重卽額勒登保現已辦完三股而尙有

包正洪等股餘黨亟須併力殲除刻下亦斷不

便卽行抽派

臣現駐白塔壩山梁原有官兵二

千餘名以備策應茲卽於此內撥出陝甘兵一

千餘名派往陝省第爲數尙少因查前此遵

旨更換傷亡缺兵案內山東省有應調兵丁一千餘

名臣現又飛咨山東撫臣催令迅速調派起身

並囑永保於此項官兵過陝時就近留用至陝

省亦有應換缺兵

臣

因該省現有軍務本未調

取並令永保於到任後卽體察情形於各標營

內酌量抽調雖此項添調兵丁不免稍需時日

而到營後湊成一隊均係生力之軍卽可探明

何路緊要赴何路辦理可期得力正在籌辦間

適接明亮知會亦因兵力不敷囑令於川陝兩省內籌撥官兵二千名臣亦告知永保一到陝省或將現在派出之兵先撥明亮一路以資接濟俟山東及陝省調補之兵上緊催齊卽速帶領或赴明亮一路或赴別路協剿臨時相機辦理再查西安副都統觀成平日打仗辦事尙屬勇往幹練近因病後兩耳重聽帶兵不甚得力

是以臣派令在夔防守茲陝省剿賊吃緊西安

亦關緊要

臣現飭令該副都統將夔郡剿堵事

宜交與七十五接辦卽速起身回至西安以資

彈壓又三等侍衛侯圖桑阿現在漢中聞其老

病侵尋不能帶兵應請令回京以節糜費

勒保又奏言

臣欽奉

上諭嗣後剿辦賊匪總宜以勁旅當先率領鄉勇又

教匪聚衆叛逆陷城戕官實屬罪大惡極爲王法
所不容不得不徒事招降等因查鄉勇一項本係齊
民甫經充募祇可防守卡隘誠難望其禦賊衝
鋒蓋緣此次軍興之始調派官兵無多不得不
藉鄉勇以壯聲勢嗣因用兵日久鄉勇等經歷
行陣漸覺諳練並又熟悉路徑而帶兵各員或
以兵力不足或恐兵丁損失過多責令鄉勇在

前打仗此等情弊難逃

聖明洞鑒自臣接辦後留心察看鄉勇中得力者固

不乏人無用者亦復不少因各路兵力不敷未

便概行裁汰當經通飭查點將勇健之人酌留

調用其不得力者全行裁撤又復節次嚴飭帶

兵鎮將凡有隨征鄉勇或令探聽賊情或令作

爲嚮導打仗時祇許在後助戰毋任臨陣當先

現在額勒登保德楞泰兩路官兵每遇打仗俱
係吉林索倫馬隊在先滿漢官兵步隊接踵並
進實無專令鄉勇衝鋒之事至軍行之次原可
剿撫兼施但招撫祇在脅從逆黨卽未便輕貳
至各首逆罪大惡極更爲法所必誅若徒以解
散爲事或將久經從逆之犯並首先傳教之人
概行釋放不特無以服衆且恐安插後反側潛

萌轉貽後患

臣

自辦理軍務以來本重在剿而

不在撫凡習教從賊並曾經殺人放火者無不
立予駢誅惟實在被脅難民迫於勢不得已者
訊明後始行釋放酌給銀米交地方官妥爲安
插斷不肯意在招降致涉寬縱至剿賊固以擒
渠爲重然擒首逆而夥黨未盡聽其遠颺其中
强悍者又各自爲首聚衆蔓延名雖殲厥渠魁

其實大衆具在於大局仍無裨益官兵如果痛
加剿捕將其黨與悉數殲除縱使首逆尙存亦
屬孤立無助不難弋獲况從前欲將首逆解京
帶兵各員往往於剿捕得手之時注意生擒轉
致鬼脫今荷

聖明燭照機先飭令不必解京而冷添祿蕭占國張
長更等均得臨陣殲戮將各首級傳示犯事地

方無不共見其聞咸知儆懼臣嗣後惟有嚴飭

各路領兵大員殺賊則勁旅當先獲犯惟脅從

罔治以期將士用命教匪全除均奏入

上諭內閣曰勒保奏官兵剿捕冷添祿一股賊匪首逆全行掃蕩此皆仰賴

上蒼默佑

皇老威靈覽奏曷勝欣感冷添祿股匪上年自祖師觀

竄出後又復到處奔匿日久稽誅今勒保因額勒
登保剿滅蕭占國等股賊匪完竣後卽知會額勒
登保帶領勝兵乘勢剿捕得以迅就蕩平勒保調
度得宜能得人心使將弁等皆知感恩報効實不
負經畧大臣之任深堪嘉獎至額勒登保前於病
體初愈時卽將蕭占國張長更兩股賊匪全行辦
竣茲於途次一聞冷添祿在岳池地方游奕之信

卽由間道督兵連日冒雨遄行趕抵賊巢出其不意痛加剿殺洽添祿中箭身斃額勒登保又復乘勝將餘匪撲滅淨盡旬日之內殲除三股賊匪實爲奮勇可嘉不愧認真出力之大將前已加恩賞給二等男爵世職著再晉加一等男爵其從前恩賞銀一萬兩未經完繳者免其著追其隨額勒登保打仗之吉林索倫滿洲綠營兵丁著勒保查明

普賞一月錢糧以示鼓勵至軍營出力各員內如
護軍叅領格布舍保薩克丹布之子烏鎗最爲精
熟朕所深知足見所保公當已另降諭旨俱照所
請加恩矣從前各路帶兵大員祇圖擒拏首逆仍
任餘匪竄逸以致一股未平一股復起迄無竣事
之期今於旬日內連辦三股賊匪不留餘孽從此
剿淨一股卽肅清一處可望成功朕仰盼捷音踵

至也

上又諭內閣曰軍營節次打仗出力人員護軍叅領
裕布舍著賞給副都統銜二等侍衛噶喇著陞爲
二等侍衛吉林佐領德林保著賞給珠克圖巴圖
魯名號曉騎校綽布通阿着賞給訥爾吉巴圖魯
名號前鋒全保著賞給伊勒達穆巴圖魯名號黑
龍江領催哲勒格訥依著賞給伯琪禮克巴圖魯

名號彥不勒著賞給齊達勒台巴圖魯名號總兵
銜參將穆克登布著賞給濟特庫勒台巴圖魯名
號遊擊喜明著賞給騰琪台巴圖魯名號把總梁
揚光著賞給綽克托巴圖魯名號仍照例各賞銀
一百兩成都佐領阿郎阿黑龍江驍騎校烏圖依
遊擊張明德都司王光萼守備劉健標周官均著
賞戴花翎守備鄭_正貴著賞換花翎吉林領催伊

勒彰阿明安前鋒伊克精阿安楚披甲訥音登阿
倭楞泰赫特恩保烏進保穆克德布德爾奇善黑
龍江領催固寧阿彥濟勒披甲凱瓦勒圖額依布
臣烏爾圖訥蘇綽丹保滿都禪打牲餘丁彥濟保
成都驍騎校忠靈守備馬正元千總廖世俊王兆
龍王百齡楊春榮王泰把總汪廷舉呂應揚王學
閻吳振亮馬起龍陳瑾外委楊宗禮陳祖榮額外

外委吳廷楷李珍張超李得徐國明兵丁陳大雄
甘勝發羅輔馬獻唐文貴安定邦溫芝蘭劉不振
潘棟王朝柱李得勝鄉勇頭目李和周貴俱著賞
戴藍翎以示鼓勵

上命軍機大臣傳諭勒保曰此次教匪蔓延日久裏
脅日多不得不議剿撫兼施之法但必將首惡逆
黨痛加殲戮使之知所震懾方足堅其畏罪遷善

之心今勒保奏稱祇應撫其脅從其意以剿辦爲
重所見甚是至陝省堵剿事宜所稱王文雄與恒
瑞駐兵處所相距七八百里中間並無兵將及漢
中止有兵丁六百名之處前據馬慧裕籌辦撫綏
摺內亦曾奏及陝省情形現交軍機大臣酌議其
所需更換山東兵丁亦降旨令岳起照數挑派迅
赴軍營聽候應用惟在勒保察度情形隨時酌辦

朕亦不懸揣遙制也又據稱令觀成回西安駐守
另派七十五在夔州防守并因圖桑阿老病令其
回京所奏俱是自應如此辦理其打仗陣亡之守
備趙祥候補于總譚一洪二員俱着咨部議卹此
次打仗情形閩摺內所稱將賊衆全數逼至河沿
痛加殲戮及撲河淹斃者不計其數在將士等奮
勇爭先自不得不乘勝痛剿但邪匪逼脅良民人

數衆多以致臨陣被殲玉石俱焚難分順逆閱之
彌覺惻然勤保身膺重任惟當仰體朕心視國事

如家事昨復降旨將永保長子凝志賞給藍翎侍
衛次子凝華賞給親軍校係朕格外施恩勤保永
保兄弟二人應如何良心發現迅勉成功也

上又命軍機大臣傳諭署山東巡撫岳起曰據勒保
奏調山東兵丁一千餘名已飛咨山東撫臣催令

迅速調派起身此時川省擒獲首逆陝省正資堵
剿著岳起查照來咨數目迅速挑選健壯兵丁并
派明幹將弁督率前往卽赴軍營聽候應用毋致
遲延

二十七日

乙酉

廣厚奏言

臣

與吉蘭泰由黑崖山

小路截擊賊匪行抵沙坪接據署涼州府沈清
署階州朱超遊擊范濬等稟報賊匪由佛堂溝

竄至高橋沈清等卽帶領兵勇於羅家寨防堵
用鎗礮轟擊適將軍富成趕到追殺賊匪遂繞
道奔赴黃家壩兩水等處卽於兩水分股一股
五六千人向涼恭竄逸一股六七千人向宕昌
竄逸富成現在追趕宕昌一股賊匪各等情查
宕昌地方臣先因該處係通岷州大路移令護
洮岷協副將五明阿調洮州土兵六百名帶領

馳赴分水嶺一帶防堵富成現在躡蹤追剿惟

涼恭山徑崎嶇現無防兵

臣

卽同吉蘭泰催兵

兼程前進并派守備閻應龍千總王懷吉帶兵

百名先行馳往行抵閭并正遇賊匪前哨數百

餘人在該處搶掠馬匹該守備等奮勇截殺

臣

與吉蘭泰亦帶兵趕到卽督兵圍捕生擒騎馬

賊目冉玉煥楊大惠二名殲斃七十餘名餘匪

捨命奔回旋聞賊匪大衆已連夜竄赴新寺鎮

臣等卽由寫溝間道馳抵黃家河距新寺鎮三

十里探知賊匪在彼屯紮

臣

因與吉蘭泰商酌

將路徑形勢查詢明確於二更時乘月色甚明

帶兵前往距鎮數里派署同知縱司燭守備教

世俊帶兵四百名於南面溝內埋伏都司巴翰

璧知州張利溥帶兵四百名於西面山後埋伏

臣等帶兵一千名由中山路進發吉蘭泰率同

都司馬良棟劉天秩守備閻應龍直撲鎮內喊

言官兵大至賊匪驚惶失措紛紛回竄自相擁

擠吉蘭泰帶領兵將鎗箭刀矛一時並舉環繞

截殺臣於鎮外率守備李殿魁用鎗礮轟擊復

令署縣丞席濂照磨金勝等高聲傳諭如係本

地被裏良民各釋兵器逃庄頃刻解散無數賊

匪悉力衝突縱司燭巴翰等兩路伏兵齊出
接應奮力迎擊斬獲愈多賊匪情急隨搶上東
面山梁山勢險峻仰攻較難時已昏暮賊匪拚
死抵抗臣等激勵將士乘勝進攻鄉勇熊魁攀
崖先登中矛陣亡把總郭希順武舉金毓林米
建基外委馬虎張興忠率兵一擁齊上賊匪不
能抵禦卽由山後翻越奔逃臣等查驗奪獲大

礮二位馬驥二百餘匹頭器械旗幟無算約計
殲賊實有一千餘人生擒羅文得等一百八十
六名內有實係本地被裹趙富保等七十七人
當卽釋放訊據羅文得等供稱此股係藍號逆
首張映祥並張世龍張世虎張世鳳兄弟三人
與宕昌一股約定在新寺鎮會齊同攻鞏昌府
適纔頭戴紅頂身穿紅馬褂被礮打死者卽張

世龍屍軀被張世鳳令人搶去至宕昌一殷係
白號逆首楊添柱有大頭目蕭姓秦姓不知其
名等供當卽均行正法此次打仗兵丁傷亡共
計六十二人旋據探差回報賊匪已窮竄至寧
遠之鴛鴦嘴樂善鎮等處臣等當卽差人往撻
徑知會前派防守西禮之遊擊富珠隆阿等帶
領該處防兵八百名馳往抄截臣等亦卽緊躡

窮追務期先將此股賊匪全數撲滅奏入

上命軍機大臣傳諭恒瑞富成廣厚曰廣厚奏痛剿賊匪分路追剿情形所辦甚好近日川省蕭占國

冷添祿等股竄匪業經先後剿淨朕所慮者正在

甘省今據廣厚奏賊匪張映祥等或分或合經官兵追剿殲賊一千餘人生擒二百八十六人并將

賊目張世龍擊斃剝散賊匪由山後奔竄覽奏深

爲欣慰此皆係廣厚吉蘭泰二人之功廣厚著加恩賞戴花翎吉蘭泰著加恩賞給伊青阿巴圖魯名號並賞戴花翎以示嘉獎其直上山梁剿賊之把總郭希順武舉金毓林米建基外委馬虎張興忠俱著交部議敘其殺賊陣亡之鄉勇熊魁著咨部議卹此股賊匪勢已窮蹙廣厚吉蘭泰當乘勝進擊速行剿淨後卽前赴富成一路夾擊宕昌一

股白號賊匪此二股一經剿竣甘境即可肅清至
賊匪現在奔竄地方係在鞏昌一帶相距陝境不
遠並著恒瑞察看情形派撥弁兵預行堵截毋任
甘省竄匪乘間闖入陝境爲要

欽定剿平三省邪匪方畧正編卷九十五

己未年

四月初二日

庚寅

軍機大臣永理等奏言竊照馬

慧裕條奏軍營安撫事宜各條奉

旨令

臣

等悉心妥議謹擇其中事屬可行應請行令

遵奉者有應交經畧大臣再行詳悉妥議者並

有難以施行毋庸置議者分別列欵恭呈

御覽再該護撫奏稱陝西防守一事自寧羌至平利

與川省交界綿亘二千里賊匪隨處可以翻越
山梁今查漢中之兵止有六百餘名又係零星
攢湊及留養病瘡之人將官除遊擊蘇維龍已
經陣亡外止有都守三員均不諳習戰陣寧沔
一帶俱派鄉勇防守現囑各道府並地方官將
所集鄉勇勤加訓練以助兵力一節此實係該
省督撫等從前因循闖蕩之咎現雖議令剿撫

兼施然必能剿而後能撫尤必能堵而後能剿
今以綿亘二千里之地僅委之六百餘名之攢
湊疲弱兵丁及不諳戰陣之都守三員無怪乎
賊匪得以往來奔竄游奕自如也惟查此時各
路剿捕賊匪正需兵力自無多餘兵丁可以分
撥防守勢不能不資鄉勇協助該護撫現囑令
該道府等勤加訓練究恐有名無實昨於更換

兵丁一事已奉

旨飭令岳起挑派山東兵丁一千餘名令明幹將弁
帶赴陝省應用並經勒保囑令永保到任後於
各標營內酌量抽調將來將弁兵丁自可足敷
派撥此時仍應嚴飭各該道府團募鄉勇實力
整頓並責成地方大小文員一體督率防護以
期布置聯絡互爲聲援倘仍前疎懈卽令該省

督撫嚴叅治罪庶責成專一於備禦較有裨益

伏祈

皇上訓示遵行

事屬可行照議辦理者二條

一難民中凡同鄉同村之人同時投出者請令
間日行走均匀配搭每起不得過三十人一

欵查回籍難民若令同鄉同村之人成羣就

道則人數衆多保無滋生事端應如所請就其人數多寡酌量配搭或間一二日或間三四日每起雖不必拘定三十人總宜以不致糾紛擁擠妥籌辦理

一投出之人回籍後請嚴禁挾仇訐告如有指首曾經從賊者應請以告赦前事論一欵查民人被賊脅從原非出於本意今既經投出

若更追其既往不齒人類殊非咸與維新之道應如所奏以消告訐之風

事不可行毋庸置議者二條

一請出示投出之人先令將火藥鎗礮刀矛均行棄去每起只准五十人赴營投首酌賞盤費若數百成羣執持器械而來者卽用鎗礮轟擊等語查軍營收留投出難民自當嚴爲

查察以防欺詐然拔身賊隊乘間來歸豈易
以五十人之數齊之至所稱鎗礮轟擊尤非
可孟浪從事轉恐傳聞驚阻堅其從賊之心
其酌賞盤費一節則前經勒保奏請人給口
糧日五合盤費銀三錢並給路票作爲執照
仍飭各地方官詢明居住歸入附近民寨每
戶給與搭蓋草棚之費五錢用資栖止於撫

綏安輯之方最爲周到確 令該護撫查照辦
理

一請投出之人遣令回籍無庸兵役護送止須
令沿途地方鄉約保甲派撥人夫逐段照料
等語查投出難民遣令回籍與遞解軍流人
犯不同自毋庸撥兵護送至沿途欲令鄉保
撥夫逐段照料碍難辦理且恐鄉保等勒派

周章別生枝節惟應飭令沿途地方官一體
留心查察倘有潛逃滋事等情卽行分別懲
辦

原議未妥分別准駁四條

一投出難民請照賑卹之例散給粥餚起程回
籍酌賞盤費仍按大口小口沿途從優支給
口糧住宿給與廟宇次日催令起身毋許停

留其到籍後令地方官查明有業者聽其自行經理倘原業被人搶佔稟官追給其無業者或派充衙門夫役或與軍流人犯一體支給口糧或查入官之逆產分給耕種計畝納租或酌分現任文武大小官員及在籍紳衿之家服役力作以資養贍仍由該地方官發給執照等語查投出難民在途及到籍後自

應妥爲資給俾免流離但該護撫所議如沿途居住豈能皆有廟宇次日起身又令官爲督催勢同驅逐更致驚慌伏思此等難民過境總須赴有司衙門支領口糧該地方官於按名散給後即可傳到鄉約地保等令其領出酌量空閑處所分指住宿並卽將所給口糧止准請領一次不准重支面爲曉諭則難

民等自不待催促儕赴前途矣至回籍以後
豈能永遠仰給官糧卽入官逆產亦不敢遍
給此等皆鄉愚無知若派充衙役殊多悞事
給與官紳等服役又與罪人爲奴無異均不
可行應無庸議其投到時照賑卹例散給粥
餧及到籍後有業者聽其自行經理如有原
業被人佔據者稟官追給仍令各地方官將

作何安頓之處詳報上司均應如所議辦理

一據稱此項難民內無家可歸無人可倚若強令就道非所以示體恤應請將年老殘廢之人分撥附近州縣支給孤貧口糧以終天年其婦女幼孩卽勸諭仕宦之家殷實之戶分領養育以供使令不定主僕名分仍由官發執照等語查年老殘廢之人分撥附近州縣

支給孤貧口糧以資養贍事尙可行至婦女

小孩若勸諭仕宦殷實之家分令養育以供使令恐紳戶等未盡樂從况又不定名分尤

難管束應毋庸議

一私從賊巢逃出之人應請出示近卡者赴卡近城者赴城兵役人等不得留難阻滯立卽帶交地方官查問明白給以印花腰牌或願

回本籍或他往依傍親友卽給以執照令其
自行賣投該地方官交保管束仍造冊申報
並於朔望查點等語查此等由賊營逃出者
兵役人等原不得阻滯留難應如所請如有
近城近卡者立即帶交地方官吏或願回本
籍或他往依傍親友當卽給以執照令其前
往各營生理至朔望日查點事涉煩擾應毋

庸議

一教匪頭目悔罪投誠詣營自首者請行寬宥
仍由督辦大員面察真偽或厚加犒賞或假
以詞色或令寄信邀約或令回巢遍傳俟大
局完竣後將作何辦理之處請

旨定奪等語查教匪因不肖官吏擾累激成殺吏戕
官勢無反顧因復煽誘迫脅蟻聚多人恃險

抗拒其中人衆力强者卽爲著名首惡而宵
小奸民乘機附和亦復自爲渠魁其實所恃
者在股數多而路徑熟我兵動爲牽綴遂得
肆其鴟張今旣剿撫兼施自應釋其疑畏予
以寬宥但不必厚加犒賞過示優容而令其
寄信邀約回巢遍傳更非事體所宜應無庸

議

擬交經畧勒保另行籌議三條

一據稱請將此次欽奉

上諭敬謹謄黃再以方言里語刊成告示遍行粘貼
並請於川陝楚豫之地各設安撫營一二處
或三四處每營撥給精兵千名

欽差大員一人督辦招徠安撫之事各給

欽差安撫使關防如賊營內自行投出者概免其罪

能勸諭數人及數十人投出者分別賞賚銀
錢頂戴或能帶領一股投出者卽賞以職官
奏請敘用等語查教匪等此次經勒保將欽
奉

恩旨廣爲宣布之後陸續就撫及臨陣投出者已有
成效從前三年中地方官亦曾屢發告示迄

不見就撫之人是官爲出示不若

王言感格之真且速也今該護撫請再以方言墨話
刊成告條甚於體制不協應毋庸議至設立
安撫營特派安撫使給予關防一節查剿撫
機宜同時並用若於軍營之外又設立安撫
營帶兵各員之外又添派安撫使則地方既
不能有如許大員分司其事亦無如許兵力
分駐各營應毋庸議至所稱投出之人分別

人數多寡賞給銀錢頂戴官職之處事尙可行應令勒保臨時酌辦用示招徠至意

一據稱投出之人請各給腰牌一面貼安撫使關防印花寫自行投首遵

旨免死字樣沿途請領口糧其攜帶眷口貲財者另給黃旗將眷口貲財寫於旗上不許與外人

結伴通傳各處兵役人等驗明放行仍掛號

備查等語查投出之人官給憑據事屬可行

若明寫遵

旨免死字樣實屬非體且恐易長刁風至所稱眷口

貲財另寫黃旗通傳放行誠恐查察既有難

周而留難勢有必至應毋庸議其應如何官

爲辦給憑據併酌予口糧盤費請

勅下勒保另行籌辦

一據稱難民中年少之人或本係孤苦或室廬
被焚與其遠歸無依不如謀生異地請分撥
向無邪教各州縣設法安置等語查年少單
身無家可歸自不必強令回籍但官給口糧
可暫而不可久官爲稽查宜分而不宜聚應
如何分撥安插暫資盤費俟賊平後聽其隨
地謀生之處應令勒保酌核妥議辦理奏入

得

旨所議公正簡明准駁合理遇報便發交勒保並令
永保馬慧裕知之

初五日癸巳恒瑞奏言臣前因廣元賊匪竊近南

鄭邊界遂帶兵馳回青石關截剿探得該匪係
鮮大川一股先經漢興道文需率勇嚴防卡隘
賊匪旋卽折向南竊現距邊界已有三百餘里

其紫陽安康西鄉一帶沿邊竄匪雖經王文雄
慶溥柯藩溫承惠等帶領兵勇協力逼剿出境
尙在川省沿邊大山老林內出沒無常官兵若
追入川境恐賊匪乘間由他路北竄反落其後
是以臣等擇要分布聯絡堵禦至張映祥一股
竄入甘省階岷等處署藩司廣厚總兵吉蘭泰
兵力甚單臣前已札令廣厚酌量就近添調官

兵以資堵剿今據稟續調兵一千五百名並據

肅州鎮總兵索費英阿稟報亦帶兵二千名前

來又有將軍富成帶領兵勇七千餘名自可合

力剿辦臣本擬俟永保回陝卽帶兵馳赴江北

與明亮等先將張漢潮一股剿洗茲據隴州知

州李承道都司綽克圖稟稱張映祥分股賊匪

已竄至通渭縣境查該處距隴州三百餘里已

無渭水之隔若向東北奔竄卽係陝甘大路富
成等官兵俱在賊後而陝省邠隴及甘省平涼
一帶又無兵備萬一賊匪乘虛竄入則完善地
方復遭蹂躪且兩省元氣全在腹地非南山邊
境可比臣自應先顧其急現已飛札王文雄督
率慶溥柯藩於興漢邊界隨時確探賊蹤小心
防堵並酌留副將馬兆瑞帶兵一千六百名駐

紮南鄭要隘永保不日亦可到陝臣現由棧道

馳赴北路探聽前進實力剿堵再遵查副將田

有成守備劉合二員均經出征受傷給有功牌

自應遵

旨以原品休致並查延綏波羅營叅將皂常保因患

腰腿疼痛現在興安調養未能痊愈該員亦前

經出征受傷應請

旨一并准其原品林致奏入

上命軍機大臣傳諭明亮恒瑞永保廣厚曰陝省南路賊匪鮮大川一股經文需督率兵勇截回而紫

陽一帶竄匪亦經王文雄逼剿出境所辦尙好恒

瑞以官兵若追入川境恐轉落賊匪之後是以擇

要分布聯絡堵禦所辦亦是其竄入階岷等處之

張映祥一殷廣厚吉肅泰兵力較單今據奏廣厚

稟稱續調兵一千五百名而索費英阿亦帶兵三千名前往自屬得力但廣厚所調係何處之兵摺內未據敘明至張映祥分股賊匪是否卽係前次廣厚等剿散之餘賊又竄至通渭縣境恒瑞若卽馳赴江北則通渭竄匪或乘虛闖入陝甘大路殊有關係恒瑞現由棧道馳赴探剿所見甚是此時永保自己到陝著恒瑞於永保到後卽帶兵前赴

甘省與富成吉蘭泰廣厚等會剿張映祥一股其
張漢潮一股卽著永保會同明亮等合兵奮擊以
期迅速集事其陝省邠隴及甘省平涼一帶現據
恒瑞奏稱並無丘備豈不又與寧羌平利等處情
形相倣其應如何酌量抽撥分防之處并著恒瑞
永保等妥爲籌辦至張漢潮股匪明亮興肇帶兵
追剿爲日已久何以總未據奏報又涉遲延故智

矣並著明亮將此股賊匪現在何處奔竄及如何
痛加殲剿之處卽行具奏又副將田有成守備劉
合二員及叅將皂常保俱因老病不能帶兵均着
准其原品休致

初九曰丁酉馬慧裕奏言臣於三月十七日途次

興平接據探報張漢潮一股竄至留壩廳屬江

口臣查江口以東由滴水崖虢川即可直達斜

峪關該處爲南山路通平原第一山口地勢甚
爲散漫臣卽由武功扶風小路趕赴斜峪關察

看情形就該處原有鄉勇六百餘名移住山口

內觀音嶺蹇坡梁兩處晝則多樹旗幟夜則發

放號火大張聲勢以絕賊匪窺伺之念又恐鄉

勇力單飛調駐守于午峪之遊擊邢承諾等帶

領官兵五百名鄉勇八百名趕赴該處扼要設

平堵禦其滴水崖虢川一帶爲斜峪關來路王文湧連年在彼情形極爲熟悉卽令該道帶領防護棧道總口之壯丁鄉勇三百餘名前赴該處住守連日接據探報張漢潮一股經明亮帶兵追剿由洋縣五郎闡入鎮安境內距寶雞郿縣約四五百里不等北路似可無虞適據甘省秦州稟稱賊匪張映祥一股由渭河北山竄至

通渭縣屬之榜落李辛並據隴州知州李承道
稟稱探得賊匪已至秦州之三陽川石灘距秦
州三十里有由秦安漸奔東南之勢復據固原
城守遊擊蘇楞額移稱派撥官丘前赴靜寧安
定防守各等語查通渭切近隴州而靜寧安定
又係直逼邠乾大路一望平原無隘可守若由
秦東趨鳳縣棧道更爲可慮附近各標營存兵

無幾日以調撥隨飛調駐守寶雞山門口之都

司綽克圖帶領新兵二百餘名趕回關山本營

復飭鳳翔府知府崇祿前赴隴州督同知州李

承道多僱鄉勇協同新兵分段防堵復調省城

壯丁五百名委令遊擊毛伏帶領前來以備派

撥並稟請恒瑞體察情形迅爲籌度

臣

暫住寶

雞棧口分探西北兩路何處緊急卽調斜峪關

滴水崖各兵勇親身帶往設法堵剿若竄至通渭秦州之賊無虞闖入陝境臣即行馳赴漢中

至張漢潮零殷竄至孝義藍田切近省城經按

察使台斐音督同文武設法防堵尙屬嚴密所

有各路軍火糧餉俱經寬爲預備不致稍有貽

悞再陝省從前北路關係至重今西路又復戒

嚴縱橫二千餘里各營卡官兵不滿二千名聞

川省之賊經額勒登保連獲勝仗殲擒甚多現
在稟商恒瑞札致經畧勒保酌抽得勝之兵二
三千名分撥陝甘以資剿辦奏入

上命軍機大臣傳諭明亮恒瑞永保馬慧裕曰馬慧
裕奏現在張漢潮一股由洋縣五郎闡入鎮安境
內其零股賊匪竄至孝義藍田又張映祥一股自
通渭竄至秦州秦安有漸奔東南之勢是此二股

賊匪分投奔竄陝省東西兩路均關緊要鎮安以東卽係商雒一帶與豫境接壤孝義藍田地方距西安省城甚近而由秦安折竄之賊東南可趨鳳縣東北亦可達省城計賊蹤所至之處不下二千餘里地方極爲寬廣雖現經馬慧裕分派兵勇防守然各營卡官兵不滿二千名實屬不敷分撥前移勒保奏撥出陝甘兵一千餘名派往陝西並調

山東兵一千餘名當經降旨令東省迅速派往不
日即可到陝着明亮恒瑞等於此項官兵到陝後
卽行留用務須乘新兵銳氣奮勇直前速將張漢
潮張映祥兩股賊匪全行殄滅毋任再有蔓延至
明亮於張漢潮竄至鎮安藍田等處情形並未奏
及殊不可解着卽迅速具奏再奏承恩昨經解到
當令軍機大臣嚴訊其緊閉西安城門不准難民

進城一節據供伊與王文雄總在軍營並未在西安城內居住直至三月初一日賊匪竄入南山興肇柯藩王文雄帶兵往南剿賊秦承恩始於是日辰刻進城本爲安撫百姓非因避賊次日仍卽出城赴王文雄軍營前此關閉城門係陸有仁台斐音在彼秦承恩到時始行開城聽民出入至西安城壕向來無水近郊百姓多已避進城內實無難

民觸城投河之事等語秦承恩進城出城皆有日
月可憑城匪由盩厔向東奔竄時距城較近係陸
有仁台斐音在城內防守將城門關閉亦有確切
証見秦承恩果否於初一日進城初二日卽赴王
文雄軍營無難一詢而得着恒瑞永保馬慧裕就
近詢問王文雄柯藩台斐音令其詳核秦承恩供
詞或虛或實逐一登答毋得稍有瞻徇又據秦承

恩供蘇維龍前在唐藏地方殺賊陣亡百姓尋獲
蘇維龍屍身爭送棺木一節與達有仁面奏情形
相同至蘇維龍係於本年正月內經秦承恩始行
派往留壩其在彼駐劄一年之說似無其事又據
秦承恩供兵丁焦忠孝緊護蘇維龍殺賊尤多被
賊捉住恐賊殲燬蘇維龍屍身自認爲帶兵官員
被賊剜眼支解等語蘇維龍前已有旨查明交部

優卹焦忠孝以微末兵丁能知大義殊堪嘉憫著
賞給千總銜卽照千總例客部議卹俾伊子孫得
有世職以示獎勸

同曰

上諭內閣曰陝省被賊蹂躪地方較河南爲甚前旣
將河南盧氏等州縣錢糧施恩豁免陝省自應一
體加恩所有被賊蹂躪之西安府屬孝義五郎咸

寧長安藍田渭南鄠縣盩厔鳳翔府屬寶雞岐山
扶風郿縣漢中府屬留壩寧羌南鄭城固洋縣西
鄉畧陽汚縣褒城鳳縣同州府屬華州興安府屬
漢陰安康平利紫陽洵陽石泉白河商州並所屬
商南鎮安山陽雒南等三十五廳州縣本年奉徵
地丁帶徵正耗鹽課銀共三十三萬八千七百一
十五兩零未完本色糧四萬一千七百四石零又

未完乾隆六十年並嘉慶元二三等年緩徵帶徵
地丁正耗鹽課銀共二十八萬六千二百九十九兩
零本色糧一萬五十六石零俱着加恩全行豁免
其隣近賊氛路當孔道之西安府屬咸陽興平臨
潼高陵涇陽三原富平醴泉鳳翔府屬隴州鳳翔
汧陽同州府屬潼關大荔華陰韓城蒲城白水澄
城邠州並所屬長武淳化乾州並所屬武功永壽

等二十四廳州縣太年春徵地丁並帶徵正耗鹽

課銀共四十四萬六千七百六十四兩零本色糧

四萬一千五百石零未完乾隆六十年並嘉慶元

二三年緩徵帶徵地丁正耗鹽課銀共四十萬

八千九百八十兩零本色糧一萬五千八百二十

一石零亦俱著加恩寬免十分之三以副朕軫念

災區加惠閭閻至意

初十日戊戌明亮興肇奏言張漢潮一股賊匪經

臣等於米湯河等處連次痛剿之後該匪由川河口冷水溝一帶翻山鋌走連日並未屯紮察其所向總在偏東南一路捉竄十二日趕至淨水河擒獲哨探賊匪何元魁等五名訊據僉供張漢潮畏懼馬隊官兵與冉學勝等商量若向平陽大道擄掠恐被官兵趕上不如總在萬山

之中人馬難行之處往來躲避我尋分散之零
股人衆併力抗拒昨日詢問老關廟擄來士人
據說從此處翻山出去可通寧汚棧道張漢潮
卽率衆前行留我等在後探聽官兵信息餘無
要供當將該犯等梟示伏查寧汚大道係川陝
門戶並通甘肅要路糧餉軍火絡繹不絕張漢
潮在各股賊匪中尤爲狡猾若被梗塞關係匪

輕臣等一面飛咨恒瑞佈置防堵猶恐路歧地

廣

臣

明亮星夜由黃沙驛褒城一路兼程繞出

賊前十二日趕至馬道驛適值恒瑞帶兵在武

關驛堵禦並派總兵觀祥帶兵在留壩防守聲

勢極爲聯絡探得張漢潮已竄至沙嶺子地方

距棧道僅三十餘里正擬併力進剿詎該匪連

夜由桅杆石小河口一帶折回偏北奔逃恒瑞

以南路報稱川匪竄近卽帶兵由褒城前進

臣

等晝夜窮追二十二日馳抵回子壩遙見賊匪後隊隔一高山飛卽督兵前進前隊馬兵趕上僅擒殺十餘人該處萬山重疊路徑陡險餘匪業已翻山四竄連日尋蹤躡逐每日行至百數十里二十三四五等日大雨泥濘兵丁竟日只能行走七八十里又聞得張漢潮從前分出另

股賊匪前後相離二百餘里分起狂奔希圖率
綴官兵深爲可恨臣等左追右擊總期逼歸一

處庶免顧此失彼之患初二日探得張漢潮大

股賊匪在紅門寺紮營而分出賊衆在龍王廟

屯聚是日戌刻

臣

等馳抵石崖溝距兩股賊匪

屯紮處所均有六十餘里

臣

等二鼓發兵黎明

督兵馳至龍王廟該匪甫拔營前竄人數不過

千餘人擒獲賊匪王元勲等供稱是分出另股
賊匪昨日纔會見大股令我等在此守候張漢
潮在紅門寺紮營離此二十餘里訊明後卽派
鎮臣長春協領那全遊擊應元寬等帶兵堅刺
小股賊衆冀使逼歸一處臣等趕至紅門寺賊
匪已扒上山梁臣明亮督率愛星阿侍衛莫新
遊擊游棟雲等帶兵從山腰小路冀搶上山頂

下壓

臣

興肇同鎮臣關騰協領巴克坦布從山

梁緊追前進無如山徑險仄亂石層疊

臣

等革

馬魚貫前行

臣

明亮甫至山梁賊匪已竄上山

頂呐喊搖旗滾石如雨官兵儘力仰攻鎗箭齊

發斃賊二十餘人生擒四十五人把總陳俊首

先追趕面帶矛傷外委張雲腮受矛傷賊匪遂

從老林遁入

臣

等分路翻山追擊適長春等將

小股賊匪擒殺二十餘人已由山後將餘匪逼

歸張漢潮一路前竄

臣

等盡力繞道窮追沿途

又殺賊五十餘人時已傍晚祇可暫紮訊據獲

賊僉供張漢潮被官兵追殺甚緊原欲與小股

合夥人數衆多就可抵敵官兵往河南盧氏一

帶擄掠人馬再作計議昨日聽說小股矛手已

來張漢潮令其在龍王廟紮營守候不料被官

兵追來剿殺伊等都翻山從老林逃去等語查

此內有向來習教並隨同打仗之符正坤等三

十七名均卽正法其張象和等二十一人俱係

被擄未久卽發交知府趙洵訊明就近解赴商

州細加查核散給驗票妥爲安置臣等將張逆

奔竄情形一面飛咨河南撫臣確探迎攔以期

兩面夾擊惟是該匪折竄無定雖人數不過三

千有餘必得多兵分路截剿前已札商勒保撥
派協剿官兵二千名前來嗣接覆知未能抽撥
囑臣就近與恒瑞商調協剿查陝省防江萬餘
兵內此時亦暫難抽派正在萬分焦灼適接恒
瑞奏稿俟松筠永保有一人到陝伊卽抽帶官
兵馳赴江北與臣會剿張漢潮賊衆恒瑞未到
之先臣斷不敢稍涉因循耽延時日況豫省兵

單將少臣所深知現仍儘此兵力上緊剿截不

使入豫爲要再據漢興道文霈鳳縣知縣何其

英查報遊擊蘇維龍帶領兵勇八百餘名除押

解軍火要路分守外實祇帶兵五百餘名趕至

唐藏地方適張漢潮一股賊衆因三面圍擊捨

命從唐藏地方衝出蘇維龍見官兵闖截不住

卽首先衝入賊隊受傷陣亡並傷亡官兵八十

一名知縣何其英驗得該遊擊屍身頭頂胸腹等處受矛傷十餘處等情臣等覆查無異實係

賊衆兵單奮勇鏖戰致被賊戕並無臨陣潛逃

畏賊藏匿情節再臣明亮前奏有鎮將帶兵防

堵均係有名無實二語欽奉

諭旨令查明指名嚴叅等因查陝甘楚豫皆有官兵

防堵何以使賊匪乘間突入往來自如實緣各

督撫身任封疆有應辦之事不能時臨行陣每
據地方官稟報卽派撥鎮將帶兵防堵協剿原
期夾擊集事無如往返札調已屬耽延而鎮將
等因上司調度未中窺要遂爾倡端遠避所以
賊至兵無影兵來賊沒蹤等謠早邀

聖明洞鑒以致有防堵之虛名而無剿辦之實用相
沿習慣非止一處彼時卽應據實嚴叅伏思
臣

統領一路官兵不能及早歲功更復諉卽他人
實覺無能鮮耻因而未敢陳奏今仰荷

天恩不以臣 剷辦遲延立加重譴復蒙

簡放叅贊申明軍紀事歸核實臣 已行知陝甘豫楚

帶兵鎮將咸知警惕痛洗惡習嗣後惟有謹遵
聖訓如有奮勉立功者據實奏請破格

施恩選悞無能者卽指名嚴叅斷不敢稍存迴護自

蹈重譴

同日河南巡撫吳熊光奏言臣於四月初三日

自省起程前赴盧氏巡查防堵初五日在鞏縣途次准鎮臣張文奇札會並據盧氏令盧建河等稟稱探得陝省張漢潮前股賊匪於三月二十九日由鎮安山陽竄入商州西南邊境之東西牛槽赤水峪一帶滋擾叅贊明亮統兵追剿

繞路攔截其後股賊匪西竄藍田二十九日復竄往藍田東南之草坪雷家川又據南陽府知府周璣等稟稱探得陝省有一股不知姓名賊匪約二千餘人馬四五百匹由洋縣之涼心河竄至五郎廳地方有東趨鎮安之勢各等語臣

查商州之西約距盧氏邊界四百餘里商州之南係豫省淅川縣之西坪等處雖相距尙遠但

伏牛山在盧氏漸川之間路徑叢雜巡防更宜

嚴密

臣

已飛札防守漸川各要隘之田永祠駐

防盧氏等處之張文奇等於各扼要處所督率

兵勇慎密防範設賊匪因明亮追剿竄近豫境

該鎮等即可與明亮三面夾擊惟是張漢潮股

匪係明亮帶兵專剿今此股賊匪分爲前後兩

股自係賊匪牽掣官兵奸計且現據探有不知

姓名賊匪由洋縣五郎廳東竄如果屬實是又

在官兵之後尤恐明亮顧此失彼豫省官兵前

經景安王文雄帶往楚陝四千餘名目下南北

兩鎮共止帶兵三千四百餘名盧氏一帶邊境

遼潤綿直千有餘里勢不能再行抽撥昨准署

山東巡撫岳起來咨於充登二鎮標內選撥壯

健兵丁一千三百四十九名派委將備等官統

領前赴川省以補遣回調養兵丁之數分作六

起間日行走由豫陝一路前往頭起於四月初

九日可入河南考城縣境

臣

伏思川省賊匪近

據南陽府陝州探報賊目竊占國等業經額勒

登保帶兵殲斃軍威大振而陝省統兵大員僅

有明亮一人所帶兵丁似不敷分投剿捕查山

東兵丁必由陝州一帶經過

臣

已密札張文奇

不妨先於邊境聲言臣現帶山東勁旅前赴邊

臣現帶山東勁旅前赴邊

境堵剿以壯聲援

臣於途次儕行初十內必可

到盧氏俟抵該處再就近察探如明亮所剿賊

匪勢已窮蹙卽令東省兵丁仍赴川省設尙須

兵力

臣卽將東省兵丁一千三百四十九名一

并暫留迎交明亮以資協剿俾迅速廓清陝境

則豫省邊境自更臻寧謐

臣現飛催東省兵丁

迅速前進并將暫留緣由分咨四川山東及明
亮知照適又接淮明亮來咨內稱張漢潮一股
賊匪現由牧護關前遁察其所向及擒獲賊目
鄒盛發等僉供仍欲走西平盧氏一帶闌入河
南擄掠臣查牧護關地方與西平盧氏一帶接
壤大牙交錯路徑相通卽飛移鎮臣田永稠張
文奇等於西坪盧氏等處各要隘嚴密巡探迎

頭攔擊臣卽由河南府趕赴盧氏等處邊境就

近悉心調度以期周妥應用軍火等件據陝州
知州諸以謙稟稱俱已密爲備辦如明亮帶兵
來近豫境可以應付無悞均奏入

上命軍機大臣傳諭明亮恒瑞興肇吳熊光曰張漢

潮殷匪昨據馬慧裕奏到由洋縣五郎闡入鎮安

一帶總未據明亮等奏報茲始奏到追擊情形又

踏從前因循故習張漢潮老病無能屢經敗竄因
明亮等未能及時撲滅致令西出奔逃又復勾結
滋擾現據所奏官兵因山高泥濘不能迅速行走
而賊匪於紅門寺山梁及山徑險仄亂石層疊之
區則皆早經越過是奔逃之賊不畏雨水泥濘而
官兵獨畏泥濘疲乏之賊尙能亟走而官兵獨不
能捷追有是理乎殊可愧耻其覆奏蘇維龍受傷

陣亡之事未將兵丁焦忠孝保護蘇維龍代認職
官被賊戕害一併查奏亦屬疎漏昨因陝省兵力
究覺稍單已降旨令將山東新調兵丁全行留陝
應用並先將續調之兵卽至廣爲宣布以懾賊膽
本日據吳熊光奏到所見皆與昨旨相合可嘉之
至但此時河南邊境正關緊要吳熊光惟應在交
界處所竭力防堵毋令賊匪闖入豫境最為要着

亦不必越境辦賊現在山東頭起兵丁於四月初九日已入河南考城縣境計可陸續前往吳熊光於此項兵丁到後惟當妥爲照料催令迅赴明亮等軍營以資協剿明亮與肇旣經延緩於前得此項生力新軍當倍加愧奮鼓勵士氣將張漢潮等股匪剪除淨盡庶可稍贖前愆倘再曠延時日試令自問當治何罪耶至張映祥一股賊匪有由秦

安漸奔東南之勢恒瑞當預爲防範合力協剿毋令再有蔓延爲要此時如張映祥一股業經辦竣恒瑞卽帶兵速赴明亮等一路會同夾剿更可期迅速竣事又向聞河南有知州諸以謙縣丞林嵐平日居官尙好於堵禦事宜頗爲出力並著吳熊光留心查察該二員果否居官勤慎堵禦認真之處遇便據實覆奏臣等旨如恩